



Polyanthea Sacra

Ex Universæ Sacræ Scripturæ Utriusque Testamenti Figuris, Symbolis, Testimoniis, Nec Non E Selectis Patrum, Aliorumque Authorum, Sententiis, eruditis Interpretationibus, Similitudinibus, rarisque Historiis collecta, Et Copiosis, Exquisitisque Materiis Moralibus De Virtutibus Et Vitiis Pro ...

Spanner, Andreas

Augustae Vindelicorum, 1702

§. 2. Perfectionis motiva ex parte Dei.

[urn:nbn:de:hbz:466:1-79369](https://nbn-resolving.org/urn:nbn:de:hbz:466:1-79369)

TITULUS XVIII. PERFECTIO.

§. I.

*Symbola**Numeri Varij.*

Mille clypei. Cant. 4. 4. Mille hic perfectione ponitur: quia in millenario numero omnes numeri perfecti complentur. S. Gregor. hic.

Centenarius numerus plenus in omnibus, & perfectus, ostenditur. Orig. hom. 2. in Gen.

Perfectionis signum denarius numerus est. S. Cyrill. Alex. in Joan. 1. 4. c. 51.

Quaternarium numerum perfectioni sacram penè nullus ignorat. S. Prosper 1. 3. c. 18.

Quadragesima quatuor decades, quadraram fidei continent disciplinam: quia semper est quadrata perfectio, Chrysol. f. 11.

Alia Symbola.

Psalmi quatuor cantantur in Completorio ad significandam perfectionem. Beletus Rat. div. off. c. 53.

Psalterium est homo consummatus in Christo: in quo, sicut arte continentium fila chordarum; ita convenientium resonant opera canora virtutum. S. Ambros. in Ps. 40. ad finem.

Pretiosa in conspectu Domini mors sanctorum ejus. Ps. 115. 15. Mors Sanctorum dicta pro perfectione in Sanctitate. Dion. Areop. 1. de Eccl. Hierarch. c. 3. p. 3.

Fulcite me floribus, si ipate me malis. Cant. 2. 5. Per flores teneri quique, & incipientes; per mala verò perfecti fideles designantur. S. Greg. In florib⁹ tenera adhuc virtutum primordia; hic in malis perfectio significatur. V. Beda hic.

Descendi in hortum nucum. Cant. 6. 10. Quid per nucas nisi perfectus quosque intelligimus? qui, dum divinam Sapientiam intrā corpora sua retinent, quasi nucleum in fragili testa portant. S. Gregor. hic.

Similitudo autem vultus eorum, facies hominis &c. Ezech. 1. 10. Quosiam iustus quisque per rationem homo, per sacrificium mortificationis suæ vitulus, per fortitudinem securitatis, leo per contemplationem verò efficitur aquila; rectè per hæc sancta animalia signari unusquisque perfectus potest. S. Gregor. 4. hic.

Celum in continuo motu Lem. *Indefessus agendo.* Perfectionis Christianæ Symbolum, Picinelli.

§. II.

Perfectionis motiva ex parte Dei.

Accidit, ut peccarent duo Eunuchi, pincerna Regis Egypti & pistor, domino suo. *Ira tus contra eos Pharaon misit eos in carcerem.* Gen. 40. 1. 2. 3. Abulensis ex Rabbini refert: peccatum illud fuit, quod pistor negligenter dimisit unum lapillum in pane; &

quod Rex fortè dentes offendit. Et pincerna peccavit; quod in vino regis cecidit musca. Docuit Pharaon, eā reverentiā regiam Majestatem debere coli; ut peccatum nullum possit ab ejus oculis reperiri, Naxera in Jos. 17. §. 17.

Circuite terram, & describite eam, ac revertimini ad me; ut hic coram Domino in silo mittam vobis sortem. Jos. 18. 8. Descriptio ad Josue, examen ad Dominum, & ejus obtutum revocatur: ut omni solerti invigilent metatores; nec patiantur principis oculos offendere erratum! Id. ib.

Non vadam, donec ablactetur infans & ducam eum, ut appareat ante conspectum Domini. 1. Reg. 1. 22. Cùm vir Annæ Alcana, totaque domus, ad immolandum solennem hostiam ascenderet; Anna ubera sugentem timuit divinis oculis præsentare; domique mansit, perfectionem pueri præstolata ætatem. Gestivit puerum omnibus prius imperfectionibus defœcare. Id. ib.

Ecce ego in paupertate mea præparavi impensas &c. 1. Paral. 22. 14. Dices: quomodo ergo David hoc versu ait, hæc se collegisse in paupertate? & quia hæc omnia pro Dei dignitate, & majestate, erant parva, & pauca. Cornelius hic.

Si offeratis claudum, & languidum; nonne malum est? Offer illud Duci tuo, si placuerit ei. Malach. 1. 8. Vitiosas victimas immolabant Sacerdotes; sibiq; retinebant illas, quæ sanæ essent, & integræ; & plus videbantur utilitatis habituræ. Interlinearis: offer illud Duci tuo: potius respueret, & sibi injuriam factam putaret; & offers Deo, quod non auderes homini offerre. Naxera in Jos. 21. §. 16.

Maledictus qui immolat debile Domino. Malach. 1. 14. quia Rex magnus ego. ib. Et proinde magna mihi conveniunt, & debentur; eximia scilicet, & perfectissima. Cornelius hic.

Non sum dignus, ut intres sub testum meum. Matth. 8. 8. Non dicit domum, sed testum, quod est quid minus, & solum defendens ab injuriis aëris. Ità enim præ humilitate omnia sua ad suscipiendum Christum ei parva videbantur. Sylveira hic.

Effudit super caput ipsius recubentis. Matth. 26. 7. Murmurabant Discipuli de pretiositate unguenti. Respondet Dominus, apud mulieris illius animum non esse unguentum hoc pretiosum; sed si pretiosius habuisset, pretiosius effudisset: tanti me facit; sed quia non habuit pretiosius, quod habuit, hoc fecit. Arcones in If. 4. Disc. 3.

Quid molestis est huic mulier? Matth. 26. 16. Sciens Jesus, quàm bene mulier ista fecisset; & quàm injustè Judas indignaretur; vel etiam alij, qui adhuc rudes erant; nec Magistri sui dignitatem pensabant: cujus erat tanta nobilitas,

bilitas, ut totius Mundi unguenta minus pretiosa essent ad ejus contactum, & perfusionem, ait illis: *quid molesti &c.* Dionys. Carth. hic.

Erant iusti ambo ante Deum. Luc. 1. 6. Hebraea phrasi *coram Domino* est; quod undequaque absolutam haberent virtutem. Cum enim Scripturae aliquid magnum, & excellens, significare volunt, usitata phrasi dicunt: *coram Domino.* Stella hic.

Quos benefaciens deduces dignè Deo. 3. Joan. 1. 6. *Dignè Deo*, id est, tali modo, qui dignus censeatur Deo. q. d. divine, regie, largiter. Moraliter: examinet se quisque Fidelis; an opera ejus sint plena, perfecta; & tam praestantia, ut sint digna Deo? an agat, & vivat, dignè Christo. Donum, quod regi offers, non quale, quale; sed eximium, & regium, esse debet. Hoc ergo tibi in omni opere, ut id excellenter facias, sit stimulus: fac hoc *dignè Deo.* Et ut ait Eccl. 33. 23. *in omnibus operibus tuis praeclens esto.* Colos. 1. 10. *ut ambuletis dignè Deo per omnia placentes.* Cornelius hic.

Quoniam magnum habes Dominum, sis tu quoque celsus; & te explica à rebus, quae ad hanc vitam pertinent. Sume Spiritus, qui superent praesentiam rerum humilitatem. S. Chrysof. in Pf. 144.

§. III.

Nihil age vulgare, quod pleriq;

Ex Veteri.

ERAT vir ille magnus inter omnes Orientales. Job. 1. 3. S. Gregorius mor. 1. c. 3. 4. Magnus non inter Occidentales, sed *Orientales.* Orientales viros esse praedivites, quis ignorat? *Magnus* verò inter Orientales extitit; ac si aperte diceretur: quia & divitibus ditior fuit. Did. Nis. Phoen. Gr. 1. 7. c. 8.

Vultum tuum deprecabuntur omnes divites plebis. Pf. 44. 13. Nomine vultus, juxta Basil. Chrysof. Theodoret, Euthym, significatur Christus. Quarit Jacobus de Vorag. f. 42. de Quadages. cur non dicitur, pauperes deprecabuntur? illi verbo Incarnato supplices tendent manus, ut illorum inopiae sua largitate subveniat? Resp. ut Christi ostendatur potentia, & largissima affluentia; ideo dictum, quod *omnes divites*, non pauperes plebis, ad eum venturi essent. Hac enim excellens opulentia est, esse tam abundantem; ut ditissimi, si cum illo conferantur, videantur pauperes, & mendici. Id. ib.

Si ignoras te &c. Cant. 1. 7. Si nihil egregium post hac omnia, quae in te collata sunt, agis; neque temetipsum cognoscens à conversatione gregali sequestravis; eris non solum in grege, sed in vestigiis gregum. Ultimus enim fiet & novissimus; qui primatus suos non intellexerit. Origen. hom. 2. hic.

Odor unguentorum tuorum super omnia aromata. Cant. 4. 10. S. Chrysof. in Catena Graeca: maximum est, minores virtutis partes explevisse; verum multò majus est, in eo, quod summum est, summè curetis antecellere.

Non est inventus similis illi qui conservavit legem Excelsi. Eccl. 44. 20. Non dicitur, quod fuerit Legis diligentissimus observator, &c. sed quod *non est inventus similis illi.* Innuit: quod ab ipsa singularitate iusti probitas maximè nobilitetur. Carthus. nemo tempore suo, quò Deo in sanctitate servivit, fuit ei aequalis in praclaritate virtutum, ac meritorum; sicut illud à multis exponitur: *nunquid considerasti servum meum Job, quod non sit ei similis in terra?* Job. 1. 8. Sylveira in Matth. 10. 31.

Ex Novo.

Ubi est, qui natus est Rex Judaeorum? Matth. 2. 2. Unde Regem noscunt? *Vidimus stellam ejus.* Lucebat sole lucente; quia aliarum stellarum splendorem luce sua fugat. Si stella illa nocte luxisset, non haec tanta magnificentia fuisset. S. Istd. Pel. 1. 3. ep. 30. qui non ob adversariorum imbecillitatem, victoriam assequitur; sed ob virtutum suarum magnitudinem, fortes viros superat; clarus, atque illustris est; dignusque, qui publicum praconio celebretur: nam tum denique victor predicaberis, si summam virtute praedit os superes. Quod pignum gigas sternat, nec mirum id, nec magnum; sed si gigantem pignum vincat, gloriosum. Justinus hist. suæ l. 14. c. 4. de Antigono: tantò pulchrior haec Antigono, quam Alexandro, tot victoriae fuere; ut, cum ille Orientem vicerit, hic etiam eos, à quibus Oriens victus fuerat, superaverit. Did. Nis. D. 2. Epiph. §. 3.

Multis passeribus meliores estis vos. Matth. 10. 31. Luc. 12. 7. *Multis passeribus plures estis vos.* Tertull. l. de resur. carnis c. 14. multis passeribus antestare nos Dominus pronunciat: Si non & phoenicibus; nihil magnum. Homines semel interibunt, avibus Arabiae de resurrectione securis. Si enim phoenice non essemus praestantiores; nihil magnum: in actibus enim heroicis non solum debemus excedere vulgus; sed etiam eos, qui rari sunt, ut Phoenix. S. Hieron. ep. ad Pamach. de eodem: antequam Christo tota mente serviet, notus erat in senatu; sed multi alij habebant infulas singulares. Totus orbis hujuscemodi honoribus plenus erat. Primus erat; sed inter primos. Quamvis clarus honor, vilescit in turba; latent in multitudine laureae. At nunc omnes Ecclesiae Pamachium loquuntur. Sylveira in Matth. 10.

Domine, si tu es, jube me ad te venire super aquas. Matth. 14. 28. Veni, noli trepidare; sed curre: nihil enim te dignus, nihil Christo gratius, quam si ambules audacter super undas, quas ceteri navigio transmittunt. Hoc enim omnibus praestandum, qui Apostolos sectantur: praestantior nobis inunda via, quam vulgus non atterat. Eluxit hoc in Dei militibus. Samson maxilla. Judic. 15. 15. David fundam, contra hostes triumphavit. Si Deo militas, audeas necesse est, quod ceteri non solent. Cohors Gedeonis tota imbellis cogitur, inermis pugnat; non gladiis, sed sagittis, delat Madianitas. Judic. 7. 20. tubis Jericho